

ԳԵՐՄԱՆԻԱՅԻ ՏՆՏԵՍԱԿԱՆ ԵՎ ՌԱԶՄԱՔԱՂԱՔԱԿԱՆ ՆԵՐԹԱՓԱՆՑՈՒՄԸ
ԹՈՒՐԹԻԱ ԵՎ ԱՐԵՎՄՏԱՀԱՅԱՍՏԱՆԸ (1900—1914 թթ.)

Ա. Հ. ԽԱՉԱՏՐՅԱՆ

Արևմտահայերի քաղաքական և տնտեսական զարգացումը, նրանց աղ-
գային և սոցիալական պահանջների բարձրմանն ուղղված խնդիրների լուծու-
մը 1900—1914 թթ., անկախ նրանց կամքից, նշանակալից չափով կապված
են եղել գերմանա-թուրքական հարաբերությունների հետ: Իր տնտեսական
և ռազմաքաղաքական ծրագրումները Մերձավոր արևելքում իրականացնելիս
Գերմանիան Թուրքիային դիտում էր որպես բոլոր առումներով շատ կարևոր
հինակետ: Միաժամանակ, Թուրքիայում վարած իր քաղաքականության
մեջ Գերմանիան ուշադրության կենտրոնում էր պահում Արևմտահայաս-
տանը, որը ըստ գերմանացի ճանաչված քաղաքագետ Պաուլ Ռոհրբախի՝
ներկայացնում էր համաշխարհային ուղիները տանող մի անառիկ ամրոց՝
«Կարելի է գրեթե առանց չափազանցության հավաստել,—պնդում էր Պ.
Ռոհրբախը,—որ ժամանակակից Թուրքիայի համար նույնիսկ նեղուցներին
տիրելն այնքան ուշադրություն չպիտի գրավի, որքան Հայաստանին՝ նրա
վերջին և հաստատուն գոյության այդ հենարանին տիրելը»¹, Պ. Ռոհրբախի
կարծիքով, Հայաստանին տիրողը անմիջականորեն իշխում էր ինչպես Փոքր
Ասիայի արևելյան մասի, այնպես էլ Միջագետքի վրա²:

Երկու կողմերի՝ Գերմանիայի և Թուրքիայի, շահախնդրությունները
փոխադարձ էին: Սուլթան Աբդուլ Համիդի և նրան փոխարինած երիտթուր-
քերի կառավարման շրջանում Գերմանիային վերագրվում էր արևմտյան
տերությունների և հատկապես Ռուսաստանի հավակնություններից Թուր-
քիային պաշտպանողի դեր: Եվ XIX դարի վերջերից, մանավանդ XX
դարի առաջին երկու տասնամյակներում, ընդհուպ մինչև 1918 թվականի
վերջը, կայսերական Գերմանիան լիակատար չափով դրսևորեց թուրքական
բռնապետության պաշտպանողի իր դերը: Գերմանական կառավարող շրջան-
ները ղեկավարվում էին Պ. Ռոհրբախի այն խորհրդով, որ միայն քաղաքական
և ռազմական տեսակետից ուժեղ Թուրքիան է ի վիճակի Գերմանիային հնա-
րավորություն տալու, որպեսզի Եփրատի և Տիգրիսի միջև ընկած երկրի լայն
հեռանկարները օգտագործվեն «Գերմանիայի ազգային հարստության մեծաց-
ման և տնտեսական հաշվեկշռի բարելավման համար»³, Գերմանիան անում
էր ամեն ինչ, որպեսզի, իր մյուս քաղաքագետ էռնեստ Եկի արտահայտու-
թյամբ, մոտենցի այն պահը, երբ կկարողանա շարժման մեջ դրել իսլամա-
կան հզորության թուրքական լծակները և միայն որով «այն ժամանակ գեր-
մանական պատերազմը կդառնա համաշխարհային»⁴:

1915—1918 թվականներին Թուրքիայում գերմանական գեներալ Ֆոն
Սանդերսի մոտ որպես թարգմանիչ և համհարզ ծառայած, հետագայում
համաեվրոպական մասշտաբի պացիֆիստական գործիչ, գերմանա-թուրքա-
կան դաշինքի ներքին խնդիրներին լավատեղյակ Հայնրիխ Ֆիրրյուխսերի⁵

1 С. М. Акопян, Западная Армения в планах империалистических держав, Е., 1967, с. 39.

2 Տե՛ս Ս. Բորբախ, Война и германская политика, Петроград, 1915, с. 62.

3 Rohrbach P. Die Bagdadbahn. Berlin. 1902, S. 29.

4 Генрих Фирбюхер, Армения 1915. Уничтожение Турцией культурного народа. Ответственный редактор и автор предисловия и введения Вардгес Микаелян, Е., 1991, с. 23.

վկայությամբ, թուրքական բանակը գերմանացի սպաներով շարունակ ավերակացվող համալրմանը զուգընթաց, Գերմանիան առաջ էր տանում Բաղդադի երկաթուղու կառուցումը, աշխուժորեն գործում էին Կրուպն ու Գերմանական լանկը (Դոյչե բանկ)։ Հ. Ֆրիբյուրգի պատկերավոր բնորոշմամբ, համաշխարհային քաղաքականության շախմատային պարտիայում Թուրքիան գերմանական կառավարության, արդյունաբերական մագնատների և քաղաքական գործիչների համար կարևոր դեմք էր, և նրանք այնքան էլ չէին ցանկանում բացել իրենց խաղաթղթերը⁵։ Դեմոկրատ Նաումանը, Ռոզրախը և Նկը, օրինակ, Գերմանիայում թխեցին կեղծ կարծիք թուրքական հիմնահարցի վերաբերյալ, որն իր վտանգավորությամբ նույնանում էր պանգերմանական դեմոկրատների հետ⁶։ 1916—1919 թվականներին պանգերմանականների արտահայտած «մեղադրանքները»⁸ չէին կարող արդարացնել նրանց թուրքամոլ և ըստ էության հակահայկական դիրքորոշումները 1900—1913 թթ.։

Գերմանիայի կողմից Թուրքիա կատարվող բազմակողմ ներթափանցումը կապված էր XIX դարի վերջին—XX դարի սկզբներին երկրում ընթացող արդյունաբերական արագ զարգացման հետ, երբ Գերմանիան ծիրոպայում այդ ասպարեզում դուրս էր եկել առաջին տեղը ձգտում էր հասնել աշխարհի վերաբաժանմանը և իր կապիտալի ներդրման համար նոր շրջաններ ստանալուն⁹։

Գերմանական կառավարող շրջանների, կապիտալիստների և բանկիրների առաջին հայացքը ուղղվել էր դեպի Թուրքիա, և վերջինիս ֆինանսատնտեսական կարևոր ճյուղերը դնելով կենտրոնանում էին գերմանացիների ձեռքում։ XX դարի սկզբներից եթե տարեցտարի Թուրքիայում ընդլայնվում էին գերմանական կոնցեսիաները, թուրքական բանակում հրամանատարական գլխավոր պաշտոնները անցնում էին գերմանացի զինվորականներին¹⁰։

Քրիստոնյա Գերմանիայի կայսրն ու կառավարությունը արդարացրին 1894—1896 թվականների հայկական ջարդերը, որոնք կազմակերպված էին սուլթան Արդուլ Համիդի կողմից։ Այս առթիվ սուլթանին հղած իր նամակում կայսր Վիլհելմ 2-րդը նրան խորհուրդ էր տալիս առանց տատանվելու «իր հպատակներին ցույց տալ, որ ինքն Աստծո կամոք նշանակված միապետ է, և իր կամքը նրանց բոլորի համար Աստծո կամքն է»¹¹։ Իսկ գերմանական կանցլերի թրքասիրությունը այն աստիճանի հասավ, որ նա հայկական ջարդերի մեջ մեղադրեց ոչ թե թուրքական կառավարությանը՝ այլ հայկական հեղափոխական—անարխիստական կոմիտեներին¹²։

XX դարի սկզբից եթե Անգլիան ու Ֆրանսիան Թուրքիայում Գերմանիային աստիճանաբար զիջում են իրենց տնտեսական դիրքերը։ Դրան նպաստում էր Արդուլ Համիդի ծայր աստիճան գերմանասեր քաղաքականությունը։ Նրա օրով գերմանական ընկերությանը տրվեց Բաղդադի երկաթուղու կառուցման առանձնաշնորհումը, իսկ գերմանական գաղթաբնակները հեղեղեցին Անատոլիան։ Ա. Մանդելշտամի բնորոշմամբ՝ եթե սուլթանը «բաց արում գերմանացիների առաջ տաճկական տան արտաքին դարպասները», ապա «եռիտասարդ թուրքերը բաց արին երկրորդը—նեբրինը»¹³։

⁵ Տե՛ս նույն տեղում, էջ 5—11։

⁶ Տե՛ս նույն տեղում։

⁷ Տե՛ս նույն տեղում, էջ 20։

⁸ Տե՛ս Հայաստանի ըստ Ռոզրախի 1919-ի տեսության, Կ. Պոլիտ, 1919, էջ 3։

⁹ Տե՛ս Զ. Կիրակոսյան, Առաջին համաշխարհային պատերազմը և արևմտահայությունը, Ե., 1965, էջ 90։

¹⁰ Տե՛ս С. М. Акопян, նշվ. տեղ., էջ 36։

¹¹ В. А. Амфитеатров, Армянский вопрос, СПб, 1906, с. 4.

¹² А. С. Ерусалимский, Внешняя политика и дипломатия германского империализма в конце XIX в., М., 1951, с. 198.

¹³ Ա. Ն. Մանդելշտամ, Ծրիտասարդ թուրքերի պետությունը. պատմա—քաղաքական ակնարկ, Թարգմանությամբ և առաջաբանով Վ. Նավասարդյանի, Ե. էջմիածին, 1919, էջ 6։

Առաջին համաշխարհային պատերազմի նախօրյակին Թուրքիա կատարած ուսրանքների ներմուծմամբ Գերմանիան արդեն առաջ էր անցել Ռուսաստանից, Ֆրանսիայից և Իտալիայից, զիջելով միայն Անգլիային¹⁴։ 1913 թվականին Թուրքիա էր արտահանվել 74 միլիոն մարկի գերմանական ապրանք՝ հիմնականում գյուղատնտեսական մեքանաներ, էլեկտրատեխնիկական և բիմիական առարկաներ¹⁵։

Գերմանիայի կողմից տնտեսական (բնականաբար, նաև քաղաքական) առումով Թուրքիա ներթափանցելու գործում առաջնային դեր խաղաց Բաղդադի երկաթուղու կառուցման և շահագործման մենսոնորը ստանալը։ Դեռ 1888 թվականին «Դոյչե բանկը» հասավ այն բանին, որ Թուրքական կառավարության հետ պայմանագիր կնքեց Թուրքիայում երկաթուղու շինարարության մասին¹⁶, որը Բոսֆորից պիտի հասներ մինչև Պարսից ծոց։ «Գերմանական» և շահագործող մյուս կազմակերպությունները երկաթուղու կառուցման հարցում արժանացան սուլթան Աբդուլ Համիդի լիկատար աջակցության ու հովանավորություն¹⁷։ Գերմանական կառավարությունը երկաթուղու կառուցումը համարում էր Թուրքիայի «խաղաղ» նվաճման կարևոր միջոց։ «Առաջավոր Ասիայի խաղաղ նվաճման փորձեր երկաթուղային գծի անցկացման միջոցով անում էին նաև Ֆրանսիան ու Անգլիան,— գրում է Պ. Մասլովը,— բայց գերմանացիներին ուղեկցեց ամենամեծ հաջողությունը Թուրքիային իրեն տնտեսապես ենթարկելու խնդրում»¹⁸։ Թուրքիայում երկաթուղու անցկացումը քաղաքական հարցի բնույթ ստացավ։ Դա նշում է նաև հարցի հանգամանակից հետազոտող Հերման Շմիդտը, որը 1914 թ. գրել է. «Երկաթուղու հարցը էլ ոչ մի երկրում չի ընդունել այնքան մեծ շափերի հասնող քաղաքական խնդրի բնույթ, որքան Թուրքիայում»¹⁹։

Բաղդադի երկաթուղու կոնցեսիան Գերմանային տրվեց 1899 թվականին «Դոյչե բանկի» ֆինանսական խմբակցությունը այդ երկաթուղու կառուցումը սկսում է 1903 թ., նախատեսված ունենալով Իզմիր—Էսկիշեհիր—Անգորա, Էսկիշեհիր—Կոնիա—Բուլգուրլու, Բուլգուրլու—Էլհիսիֆ և վերջապես Էլհիսիֆ—Բաղդադ (1911 թ.) հատվածները²⁰։ Բաղդադի երկաթուղու հանգրվուկայանների նախնական և վերջնական վարիանտները ունեին հետևյալ պատկերը։ Նախնական տարբերակով, սկսվելով Կոստանդնուպոլսից, երկաթուղին Անկարա—Սվաս, էրտում, վան—Մոսուլ հատվածներով հասնելու էր Բաղդադ²¹։ Ռուսաստանը չէր կարող հանդուրժել իր դեմ ուղղված այդ սյունի իրականացումը։ Նա Թուրքիայի հետ ուներ պայմանագիր, ըստ որի, վերջինս առանց Ռուսաստանի համաձայնության չէր կարող որևէ երկրի թույլ տալ Արևելյան Անատոլիայի (այսինքն՝ Արևմտյան Հայաստանի) տարածքում

¹⁴ Տե՛ս А. Зурабов, Германский милитаризм в Турции (Летопись, 1917, № 5—6, с. 286)։

¹⁵ Տե՛ս К. Н. Мюллер, Die wirtschaftliche Bedeutung der Bagdadbahn, Hamburg, 1927, S. 161—162։

¹⁶ Տե՛ս Ст. Степанян, Армения в политике империалистической Германии (конек XIX—начало XX в.), Е., 1975, с. 14։

¹⁷ Նույն տեղում։ Տե՛ս նաև Die große Politik der Europäischen Kabinette 1871—1914. Sammlung der diplomatischen Akten des Auswärtigen Amis, Berlin, 1922—1927, 6 Band, S. 303։

¹⁸ Петр Маслов, Экономические причины мировой войны, М., 1915, с. 55։

¹⁹ Das Eisenbahnsystem der asiatischen Türkei, von der Hermann Schmidt, Berlin, 1914, S. 1։

²⁰ Բ. Իշխանյան, Գերմանիայի և Թուրքիայի տնտեսական—քաղաքական փոխհարաբերությունները (բնական տեսություն), Թիֆլիս, 1915, էջ 13։

²¹ Ա. Ն. Մեացակյանյան, Գերմանա—թուրքական զավթիչների գործակալության ձախողումը Կովկասում, Ե., 1948, էջ 34։

երկաթուղի կառուցելու Ռուսաստանը խափանեց երկաթուղու առաջին նախագծի իրականացումը²²:

Նոր նախագծով երկաթուղին, Սվասից թեքվելով դեպի հարավ, Խարբերդի և Մոսուլի վրայով պիտի մտներ Բաղդադ, ունենալով օժանդակ գծեր Սվասից դեպի էրզրում և Բիթլիս²³: Այս երկրորդ ծրագիրն էլ գլուխ չեկավ, հավանաբար, այս անգամ էլ հանդիպելով Ռուսաստանի դիմադրությանը: Նվեկատելի չափով շեղվելով արևմտահայկական շրջանների միջով երկաթգիծ անցկացնելու իր ծրագրից, Գերմանիան ստացավ Թուրքիայի համաձայնությունը՝ երկաթուղին կառուցել Սվաս—Խարբերդ—Դիարբեքի կետերով և դուրս գալ Բաղդադ²⁴: Բայց ի վերջո երկաթուղին անցավ Կոստանդնուպոլիս—Կոնիա—Ադանա—Հալեպ (ներառյալ Նուսիսային կողմով)—Բաղդադ ուղղությամբ, այսինքն՝ ընկավ Արևմտյան Հայաստանից հարավ: Բայց գերմանացիները, այնուամենայնիվ, ավելի ուշ թույլտվություն ստացան Բաղդադի երկաթուղու վրա կառուցելու Դարբեքի—Մուշ գծերը, այսինքն՝ մուտք գործել նաև Արևմտյան Հայաստան: «Գերմանական բանկը» այդ գիծը կառուցելու էր մինչև Դիարբեքի²⁵: 1913 թ. Թուրքական կառավարության համաձայնությունով Գերմանական ֆինանսական խմբակցությանը թույլատրվում է կառուցել Բուլգուրլու—Սվաս և Դիարբեքի—Արգանա երկաթգծերը²⁶:

Երկաթուղու կառուցումը Գերմանիային տալով կոնցեսիայով, Թուրքական կառավարությունը բացի տնտեսական շահերից, ձգտում էր ամրապնդել պաշտպանական իր հնարավորությունները ընդդեմ Կովկասից սպառնացող ռուսական վտանգի: Իսկ գերմանացիները շահագրգռված էին, որպեսզի երկաթուղին անցնի Արևմտյան Հայաստանի բարեբեր շրջաններով, որտեղ նրանք ձեռք կբերեին ընդունակ և քաջատառ հայ բնակչությանը և նրա վրա ազդելու հնարավորություն:

Ստ. Ստեփանյանը Ս. Հակոբյանը, Զ. Կիրակոսյանը, Ե. Ղ. Սարգսյանը և օտար ու հայազգի այլ հեղինակներ այս կամ այն չափով անդրադարձել են Բաղդադի երկաթուղուն, ուշադրություն դարձնելով նաև հարցի քաղաքական կողմին: Վերևում արդեն նշվեց գերմանացի ուսումնասիրող Հերման Շմիդտի կարծիքը այդ մասին: Ստ. Ստեփանյանը առանձնացնում է Բաղդադի երկաթուղու նշանակությունը Ռուսաստանի հարավային սահմանների մոտ Գերմանիայի համար ռազմական հենարանի ստեղծման գործում, հատկապես դրանով էլ բացատրում գերմանական կառավարական շրջանների շահագրգռվածությունը այն բանում, որպեսզի երկաթուղին անցնի Արևմտյան Հայաստանի, այսինքն՝ Ռուսաստանին մերձակա տարածքով²⁷: Բ. Խլխանյանի կարծիքով, Գերմանիայի համար անհրաժեշտ էր Թուրքիայում իրականացնել մի այնպիսի ձեռնարկում, որը տնտեսական լավ հեռանկարի հետ միասին հետագայում ծառայեր որպես իր քաղաքական ծրագրի իրագործման հզոր նեցուկ²⁸:

Գերմանիան, որն ավելի ուշ հանդես եկավ մերձավորարևելյան քաղաքականության մեջ, ձգտում էր «խաղաղ» նվաճման միջոցով Թուրքիան աստիճանաբար դարձնել իր գաղութը: Բաղդադի երկաթուղին, որն անցնելու էր Անատոլիայի և Միջագետքի միջով, պետք է ծառայեր նշված նպատակի իրականացմանը: Նրա միջոցով Գերմանիան մտնում էր այն շրջանները, ուր Անգլիան իրացնում էր իր ապրանքները և միաժամանակ դուրս էր տանում իր

22 Բ. Խլխանյան, նշվ. աշխ., էջ 28:

23 H. Gothe. Die Bagdadbahn und das schwedischen Bauerelemente in Transkaukasien und Palestin. Gedanken zur Kolonisation Mesopotamiens, München, 1902, S. 10.

24 Տե՛ս Die große Politik, Bd. 38, S. 118.

25 Նույն տեղում:

26 Раздел азиатской Турции по секретным документам бывшего МИД, М., 1924, с. 51.

27 Ст. Степанян, նշվ. աշխ., էջ 15:

28 Բ. Խլխանյան, նշվ. աշխ., էջ 20:

արդյունաբերությանը անհրաժեշտ հումք, Գերմանիայի ներթափանցումը Օսմանյան կայսրության տարածքներ սրում էր նրա հարաբերությունները Անգլիայի, Ֆրանսիայի և Ռուսաստանի հետ²⁰,

Այսպիսով, Բաղդադի երկաթուղին կայսերական Գերմանիայի համար ուներ կարևոր նշանակություն հիմնականում հետևյալ առումներով:

1. Թուրքիա և առհասարակ Մերձավոր արևելք՝ տնտեսական ներթափանցման համար:

2. Թուրքիան աստիճանաբար իրենից կախյալ կիսագաղութի վերածման համար:

3. Ռազմական ամուր հենարանի ստեղծման համար՝ վերահաս պատերազմում Ռուսաստանի և նրա դաշնակիցների դեմ մարտական հաջող գործողությունների ծավալման նպատակով:

Մերձավոր և Միջին արևելքում իր քաղաքական և տնտեսական պլանների իրականացումը Գերմանիան հնարավոր էր համարում միայն Թուրքիայի վրա իր հսկողության սահմանման դեպքում: Գերմանիայի «բաղդադյան սուրս-տեգիան» պետք է ծառայեր այդ նպատակին, Ըստ Զ. Կիրակոսյանի, այդ ստրատեգիայի գլխավոր նպատակը համարվում է Օսմանյան կայսրության վերածումը «գերմանական Հնդկաստանի», «գերմանական մոնապոլիսանների մի հսկայական գաղութային տիրապետության Մերձավոր Արևելքում»²¹:

Գերմանիայի էքսպանսիան Թուրքիայի տնտեսական և ռազմաքաղաքական կյանքի գրեթե բոլոր ոլորտները տեղի էր ունենում սկզբում Արդուլ Համիդի, ապա, գուցե ավելի ուժեղ չափսի, երիտթուրքերի օգնությամբ, որոնք իրենց գերմանասիրությամբ Առաջին համաշխարհային պատերազմի նախօրյակին գերազանցել էին նույնիսկ Համիդին: Երիտթուրքական լիդերները գերմանական ներկայացուցիչներին գայթակղում էին նրանով որ թուրքական բանակի վրա վերահսկողություն հաստատելով՝ Գերմանիան ազդեցություն կգործի Բարձր Դուռն քաղաքականության վրա²²:

Երիտթուրքերի գերմանամոլ դիրքերի արտահայտման մեջ էական դեր էին խաղում գերմանական քաղաքականության՝ գնալով պարզորոշ ու ցցուն դարձող հակառուսական ուղղվածությունը և էնվերի ու նրա գերմանասեր խմբակցության ազդեցությունը: Բնականաբար, գլխավորը վերջին հանգամանքը չէր, այլ այն, որ Գերմանիայի հակառուսական քաղաքականության մեջ երիտթուրքերը տեսնում էին իրենց պանթուրքիստական ծրագրերի իրականացման հնարավորությունը:

Գնալով ծավալվում է Գերմանիայի տնտեսական ներթափանցումը Թուրքիա 1911 թվականին «Դոյչե բանկը ձեռք է բերում Գ. Գյուլբենկյանի «Թուրքական նավթային ընկերության» բաժնեկցության 25 տոկոսը»²³: XX դ. առաջին տասնամյակում Գերմանիան լայն մասնակցություն էր ցուցաբերում Թուրքիայի հանքարդյունաբերությանը և բամբակագործությանը, որոնք հիմնականում ընկած էին արևմտահայկական շրջաններում: Ալեքսանդրեթը, ըստ էության, դարձել էր գերմանական նավահանգիստ: Ըստ «Մշակ» թերթի թղթակցի հաղորդման՝ «ամբողջ Կիլիկիան (Փոքր Հայաստանը) գտնվում է գերմանական շահերի շրջանում»²⁴:

Գերմանական առևտրական ընկերությունները Արևմտյան Հայաստանի շատ մայրերում՝ էրզրումում, Վանում, Ալեքսանդրեթում, Մարաշում Ուր-

20 Բ. Ղ. Սուրգույան. Թուրքիան և նրա նվաճողական քաղաքականությունը Անդրկովկասում 1914—1918, Ե., 1964, էջ 18—19:

21 Զ. Կիրակոսյան, նշվ. աշխ., էջ 127:

22 Die große Politik. Bd. 38, № 15439. Տե՛ս նաև Խ. Կ. Գолобородко, Старая и новая Турция. П.—М., 1914, с. 158.

23 Բ. Բ. Գотлиб, Тайная дипломатия во время первой мировой войны, М., 1960, с. 34.

24 Մշակ 1. 1., 1914:

Ֆայտամ և այլուր պահում էին իրենց առևտրական գործակալները⁸⁴։ Նույնիսկ վանի վիլայեթում, որը Անատոլիայում գերմանական առևտրական կետերից հետո ընկած շրջան էր, գերմանացիները աշխույժ գործարքներ էին կատարում 1911 թ. օրինակ, այստեղ գերմանացի առևտրականների բերած ապրանքների տեսականին հասնում էր 17-ի՝ 1903 թվականի երեքի փոխարեն⁸⁵։ Քսաներորդ գարի առաջին տասնամյակում (1902—1911 թթ.) Գերմանիայի առևտուրը Թուրքիայի հետ (ըստ գերմանական հրատարակված աղբյուրների և Բ. Իշխանյանի կատարած հաշվարկի) աճել էր մեծ տեմպերով։ Ինչպիսի Թուրքիա գերմանական ապրանքների ներմուծումը ավելացել էր 92 տոկոսով, իսկ արտահանումը՝ 160 տոկոսով⁸⁶։

«Դուլչե բանկի» ֆինանսական օգնությամբ տարեցտարի Փոքր Ասիայում աճում էր գերմանական արդյունաբերական ձեռնարկությունների թիվը։ Թուրքիայում Գերմանիայի առևտրի հաջողությունները ուղեկցվում էին Գերմանիայի կողմից նաև երկրի արդյունաբերական նվաճմամբ։ Այս շրջանում գերմանացի մասնագետները և արդյունաբերողները ձեռնամուխ են լինում նաև Արևմտյան Հայաստանի հանքային հարստությունների հետախուզմանը և շահագործմանը։ Մանավանդ մեծ էր գերմանացիների հետաքրքրությունը Արևմտյան Հայաստանի ընդերքի հետախուզման ուղղությամբ։ «Համաձայն լամ ստացած տեղեկությունների,—հայտնում էր Թուրքիայում ռուսական դեսպան Դիրսը Լուսաստանի արտգործնախարարին 1914 թ. փետրվարի 23-ին (մարտի 13-ին),— Գերմանիայի առևտրա—արդյունաբերական շրջանները սկսել են վերջին ժամանակները հետաքրքրվել Հայաստանով։ Գերմանական եռանդի համար նրա մեջ գտնում են գործունեության նոր շրջան և հենակետ ընդդեմ հյուսիսի ազդեցության»⁸⁷։

Հայկական խնդրում հատկապես կարևոր դեր էր հատկացվում էրզրումում նորերես (1913 թ.) բացված գերմանական հյուպատոսությանը և այնտեղ նշանակված հյուպատոս Անգերսին։ Էրզրումից ռուսական բանակի զխավոր շտաբ այս օրերին ուղարկված մի հաղորդագրության մեջ այս առթիվ տեղեկացվում էր, որ էրզրումի գերմանական հյուպատոսությանը հանձնարարված է աստիճանաբար ստեղծելու «գերմանական նոր շահախնդրություններ»⁸⁸։

Շուտով հյուպատոս Անգերսի օժանդակությամբ էրզրումում հիմնվեց «Ածխի և նավթի հետազոտման ընկերություն», էրզրում և առհասարակ Թուրքիա ժամանած գերմանական ձեռնարկատերերն ու նրանց ներկայացուցիչները աշխատում էին կոնցեսիաներ ստանալ էրզրումին մերձակա նավթային շրջանների հետախուզման, ինչպես նաև վանի վիլայեթի անտառների, Արդունի շրջանի պղնձահանքերի նկատմամբ⁸⁹։ Բաթման—սու գետի շրջանում բամբակի պլանտացիաներ հիմնելու նպատակով Մոսկվի գերմանական հյուպատոս Հուլտայնը Գերմանիայից եկած մասնագետների հետ միասին ուսումնասիրում էր Դիարբեքի, Սերետի և Ֆարկինի ընդարձակ տարածքները⁹⁰։ Գերմանացի արդյունաբերող Հեկմանին տրվեց էրզրումի շրջանի պղնձահանքերի շահագործումը, իսկ էրզինջանում ծառայող գերմանացի մի սպա իրավունք ստացավ պղինձ արդյունահանել տեղի հանքերում⁹¹։

⁸⁴ Die große Politik, Bd. 38, S. 118.

⁸⁵ Новое время, 2.IV.1914.

⁸⁶ Բ. Իշխանյան, նշվ. աշխ., էջ 45։

⁸⁷ Ժողովածու դիպլոմատիկական դոկումենտների. Բարենորոգումները Հայաստանում. 1912 թ. նոյեմբերի 12-ից մինչև 10 մայիսի 1914 թ. (այսուհետև՝ Բարենորոգումները Հայաստանում...), Թիֆլիս, 1915, էջ 13։

⁸⁸ С. М. Акопян, նշվ. աշխ., էջ 54։

⁸⁹ Die große Politik, Bd. 38, S. 118.

⁹⁰ Նույն տեղում։

⁹¹ Международные отношения в эпоху империализма. Документы из архивов царского временного правительства. Серия III (1914—1917), т. I—XIII. т. I, с. 336.

Անատոլիական երկաթուղային ընկերությունը ձեռք էր բերել 50 000 հեկտար ոռոգելի դաշտ: Մանավանդ նկատելի էր ընկերության գործունեությունը Կիլիկիայում, ուր նա ստեղծել էր «Անատոլիական արդյունաբերական—առևտրական ընկերությունը»: Այս ձեռնարկության ընկերությունը, որի կենտրոնը գտնվում էր Ադանայում, ուներ 500 000 մարկ հիմնադրամ՝ այն ժամանակվա համար նշանակալից մի գումար: Ադանայից իր գործունեությունն էր ծավալում «Գերմանա—լիվանտական բամբակագործական ընկերությունը»՝ 700 000 մարկ հիմնական դրամազխուով⁴², Նշված ընկերություններին էական էր հայերի մասնակցությունը՝ որպես արտադրողներ, ինչպես նաև բամբակուրեր, վկայելով Ա. Մանդելշտամի կարծիքն այն մասին, որ հայ ժողովուրդը «Թուրքիայի ասիական շրջաններում, գերմանացիների ապագա բնակության վայրում, ներկայանում էր որպես ուժեղ տնտեսական գործոն»⁴³:

Շատ որոշակի էր հայերի խաղացած դերը Կիլիկիայում գործող գերմանա—լիվանտական ընկերության գործունեության մեջ: Գերմանացի ձեռնարկատերերը բամբակագործության մեծ շահութաբերությունը նկատի ունենալով՝ ֆինանսական լուրջ միջոցներ էին ներդնում հայկական այդ շրջանում բամբակի մշակման ու ստացման ասպարեզում, ձգտում Կիլիկիան դարձնել երկրորդ Եգիպտոս: Եվ այդ ուղղությամբ ընդամենը մի քանի տարում նրանք սրտակի հաջողությունների էին հասել: 1912—1914 թթ. այստեղ տարեկան արտադրվել էր 100 000 հակ բամբակ⁴⁴, Յուրաքանչյուր հակը հավասար էր 200 կգ-ի, ուրեմն տարեկան արտադրվում էր 20 միլիոն կգ բամբակ: Ընկերությունը նախատեսում էր բամբակի տարեկան արտադրությունը հասցնել 100 միլիոն կգ-ի:

Ադանայի և Զեյթունի շրջաններից՝ Զիխանից, Ինջիրլիքից, Դյորթ—Յոլից, Այասից և հարակից այլ տեղերից թուրքական կառավարության կազմակերպած հայերի բռնագաղթից ու կոտորածի ծանր հարված են հասցնում «գերմանա—լիվանտական բամբակագործական ընկերությանը», նրա հետագա գործունեությունը դարձնելով անհնարին, հանգամանք, որը, անկասկածաբար ինչից, մի անգամ ևս վկայում է հայերի կարևոր մասնակցությունը Կիլիկիայում բամբակի մշակման մեջ:

1915 թ. հուլիսին լիվանտական ընկերության ղեկավարությունը և Ադանայի գերմանական հյուպատոս Բյուզենն վճռական լուրջներ են ներկայացնում, որոնցում արտացոլված էր նաև հայերի էական մասնակցությունը բամբակագործության զարգացման ասպարեզում: 1915. հուլիսի 21-ին բամբակագործական ընկերության ղեկավարը Բյուզենին գրում էր. «Առանց մեր կողմից զուտ թուրքական հանձնաժողովների նկատմամբ արդյունավետ վերահսկողության, հանձնաժողովներ, որոնց հանձնվում է հայերից բռնապարկած ունեցվածքի իրացումը, ոչ մի դեպքում չի կարելի ակնկալել մեծ շահերի պահպանում: Ինչպես վկայում է հայերի նկատմամբ մեր վարկապարկական պահանջների մասին կից ուղեկցվող ցուցակը, խաղաքարտի վրա այնքան մեծ գումար է դրված, որ չե կարելի հանձնվել թուրքական միջոցառումների ողորմածությունը»⁴⁵: Հայոց եղեռնի այդ ծանր օրերին գերմանական ընկերության ղեկավարությունը դեռ ակնկալում էր ինչ—որ բան ստանալ թուրքերից՝ իր կորսվող ակտիվների դիմաց:

Ընկերությունից վարկեր էին վերցրել զգալի թվով հայեր, նրանց թվում կային նաև հայ խոշոր հողատերեր, որոնք պարտքով մեծ գումարներ էին

42 Բ. Իյսաբյան, Նշվ. աշխ., էջ 40—41:

43 Ա. Ն. Մանդելշտամ, Նշվ. աշխ., էջ 63:

44 Армянский вопрос и геноцид армян в Турции. Материалы политического архива МИД кайзеровской Германии. Сборник Составитель, автор предисловия и введения доктор исторических наук, проф. Вардгес Мпкеялян (այսուհետև՝ Армянский вопрос и геноцид армян в Турции). Е., 1995, с. 200.

45 Նույն տեղում:

ստացել: Հայ պարտառուներին վարկ տալիս գերմանացիները, տվյալ դեպքում լեվանտական ընկերությունը, ցուցաբերում էր մեծ զգուշավորություն՝ գրավ վերցնելով նրանց ունեցվածքը, որը սովորաբար շատ ավելին արժեք, քան դրվող վարկի գումարն էր: «Օվ հենց այդ ունեցվածքի օտարման եղանակը և նրա կամայական օգտագործումը հարցականի տակ են դնում մեր ակտիվ-սերը»⁴⁶, գրում էին նրանք:

Հուլիսի 24-ին հյուպատոս Բյուզեն ինքն է դիմում Կ. Պոլսում գերմանական դեսպան Վադենհայմին: Նրա գրության մեջ նույնպես առաջ էր քաշվում եյուրեպական այն վնասը, որ գերմանացիները կրում էին տեղի «հայերի բռնա-գաղթեցման հետևանքով», այդ վնասը հասցնելով Թուրքական 60 000 լիրայի՝ այն ժամանակվա դրամական կուրսով պատկառելի մի գումարի*: Գերմանական ընկերության գործերին հայերի մասնակցության էական նշանակու-թյունը, Բյուզենի վկայությամբ, պայմանավորված էր այն բանով, որ որևէ մահմեդական երկրում, մանավանդ Թուրքիայում, եվրոպական ձեռնարկու-ական գործունեությունը գրեթե բացարձակապես իրականացվել կարող էր միայն «քրիստոնյա տարրի օգնությամբ և միջոցով»⁴⁷ և որ «այժմ դրակոնյան միջոցառումների իրականացման հետևանքով ոչ միայն հայերի, այլև Թուր-քիայի ամբողջ քրիստոնյա տարրի վրա այնպիսի ազդեցություն է կատար-վում, ավելի ճիշտ նրանք այնպիսի իրարանցման մեջ են, որ Թուրքիայի ողջ քրիստոնյա բնակչության վստահությունը կառավարության հանդեպ խախտ-վել է, և դրանով իսկ մի հայտնի չափով ուղղակի կործանվում է առևտրի հետագա կամ առհասարակ զարգացման հեռանկարը»⁴⁸: Բյուզեն հայտնում էր, որ երիտթուրքերի, կառավարության կողմից հայերի ոչնչացումը «ոչ ավել ոչ պակաս նշանակում է գավառի կործանում»⁴⁹: Հայերի գործունեության կա-րևոր դերը տարածաշրջանում Բյուզեն ամփոփել է հետևյալ խոսքերում. «Ինչ վերաբերում է հատկապես Ադանային, ապա քաղաքի պատկերը հայերի բռնագաղթեցումից հետո լինելու է չափազանց տխուր և անբարենպաստ, և այս վայրը այլևս նման հնարավորություններ չի տրամադրելու եվրոպական, ուրեմն նաև գերմանական նպատակային շահերի իրականացման համար»⁵⁰:

Հայերը տնտեսական տարբեր նպատակներով զանազան գործարքներ էին կատարում «Գերմանական արևելյան բանկի» Կ. Պոլսի բաժնետիրական ընկերության միջոցով: Հայկական եղեռնը ծանր վիճակի առաջ էր կանգնեցնում նաև բանկին: Հայերից շատերը այդ բանկի պարտապաններն էին կամ նրա պարտապանների պարտապանները, այդ պատճառով էլ «այդ անօրինակ ակտի (հայերի բռնագաղթեցման և կոտորածի—Ա.Խ.) հետևանքով մեր շա-հերին ծանր վնաս է հասցվում»⁵¹,—ասված էր նշված բանկի՝ Կ. Պոլսի ներ-կայացուցիչների դիմումում, որը 1915 թ. օգոստոսի 23-ին խնդրատուները տվել էին Կ. Պոլսում գերմանական դեսպան Հոհենլոե—Լանգենբուրգին:

Հայ բնակչության և Արևմտյան Հայաստանի հանդեպ Գերմանիայի վե-րաբերմունքը դեռ XIX դ. վերջերից կապվում էր գերմանա—թուրքական հարաբերությունների հետ: Կայզերական Գերմանիան և Թուրքիան և՛ Արդուզ Համիդի, և՛ երիտթուրքերի կառավարման ժամանակ ձգտում էին վերացնել «հայկական այն սեպը», որը խրված էր Թուրքիայի և մահմեդական աշխարհի միջև: Այս հարցում գերմանա—թուրքական դիրքորոշումները հիմնականում համընկնում էին: Գերմանիային և Թուրքիային հարկավոր էր ունենալ Հա-յաստան առանց հայերի, մինչդեռ Ռուսաստանը անհրաժեշտորեն պիտի

⁴⁶ Նույն տեղում, էջ 201:

* Դա այն ժամանակ հավասար էր 500 000 ոսկե ոտրլու (1 լիրան 8 ոտրլու հաշվով):

⁴⁷ Նույն տեղում, էջ 203:

⁴⁸ Նույն տեղում, էջ 203—204:

⁴⁹ Նույն տեղում, էջ 204:

⁵⁰ Նույն տեղում, էջ 205:

⁵¹ Նույն տեղում, էջ 220—221:

պաշտպաններ «հայկական սեպը», որը Թուրքիային բաժանում է թուրք—թաթարական արևելքից: Այս հողի վրա Արևմտյան Հայաստանը կարևոր նշանակություն էր ստանում թուրք—գերմանական հակառուսական ծրագրերում, և թուրքերը Հայաստանն ու հայերին համարում էին խոչընդոտ, որը խանգարում է Միջերկրականից մինչև Ալթայ պանթուրքական պետության ստեղծմանը: Այդ պատճառով երկու թուրքերը իրենց արտաքին քաղաքականության ծանրության կենտրոնը 1910—1915 թվականներից սկսած աստիճանաբար տեղափոխում են Արևելյան Անատոլիա (Արևմտյան Հայաստան)⁵²:

Գերմանական կառավարությունը Թուրքիայում հայ ժողովրդին և Արևմտյան Հայաստանին վերաբերվում էր զուտ շահագրիտական, կայդերական դիրքերից: Բայց դրանք հակադրվում էին հայերի ազգային ձգտումներին, քանի որ իր ծրագիրը իրականացնելիս Գերմանիան վարում էր բացահայտ թրքամետ քաղաքականություն և շատ դեպքերում ոտնահարում հայ բնակչության՝ իր գոյատևմանն ուղղված օրինական պահանջները: Առաջին համաշխարհային պատերազմին նախորդած մի քանի տարիներին պարզ երևում է Գերմանիայի քաղաքականության հակահայկական դեմքը, մանավանդ երբ նա բացեիքաց պաշտպանում էր Արևմտյան Հայաստանում հայ բնակչության թիվը կրճատելու թուրքական ծրագիրը⁵³:

Առաջին համաշխարհային պատերազմից առաջ Գերմանիան արդեն հավանություն էր տվել Հայաստանից հայերին հեռացնելու թուրքական ծրագրերին: Արևմտյան Հայաստանից հայերին հեռացնելու գաղափարը Գերմանիան պաշտպանում էր երկու նկատառումով: Նախ, դրանով Թուրքիան Ռուսաստանի սահմանամերձ շրջանները աղատում էր ռուսասեր հայ բնակչությունից և նրանց տեղը բնակեցնում մահմեդականների և, երկրորդ, հայերի տեղափոխումը դեպի Միջագետքի տափաստաններ հնարավորություն էր բնագրում Բաղդադի երկաթուղուն մերձակա շրջաններում ունենալ էժան ու որակյալ բանվորական ուժ, որի կարիքն ունեին վերջին տարիներին լայնտեղ շաստատված գերմանական պլանտատորներն ու մյուս ձեռներեցիներ⁵⁴:

Ռոհրբախը գտնում էր, որ եթե Թուրքիան կարողանա իր մահմեդական բնակչությունը դեպի հյուսիս տեղափոխել և շփման մեջ մտնել Կովկասի 7—8 միլիոն մահմեդականների հետ, ապա կձևավորվի ցեղի ու կրոնի միասնություն կապված 14—15 միլիոն մահմեդականների մի այնպիսի օջախ, որը կզառնա սարսափելի դիմադրության ուժ: Քթանի որ Հայաստանը դիմադրում է այդ պլանի իրագործմանը, —ասում էր Ռոհրբախը, —ապա հարկավոր է վերափոխել այդ շրջանի բնակչությունը՝ այնտեղից դուրս տանելով նրա արմատական բնակիչ—հայերին: Միջագետքը, որով անցնելու է Բաղդադի երկաթուղին, նոսր է բնակեցված: Այդ հանգամանքը վնասաբեր է անդրադառնում երկաթուղու տնտեսական զարգացման վրա, և այդ պատճառով միանգամայն հասկանալի է, որ Գերմանիան ձգտում է օգնել աղետին: Դրա համար բավական կլինեն այսօր բնակեցնել հայերին Հայաստանից, իսկ մերջիններիս փոխարեն Օսմանյան կայսրությանը թույլ տալ մահմեդականներ բերել Թուրքիայից և Ռուսաստանից: Եթե այդպես կատարվի՝ Հայաստանը մի հարվածով դուրս կմղվի Ռուսաստանի ձեռքից»⁵⁵:

Թուրքիայի նման Գերմանիան ևս չէր հանդուրժում հայերի դրական մերաբերմունքը Ռուսաստանի և ռուս ժողովրդի նկատմամբ, գտնելով, որ Արևմտյան Ասիայի համար չի կարող լինել ավելի սպառնալից և վտանգավոր վիճակ, քան Հայաստանը, Պարսկաստանը և Անդրկովկասը Ռուսաստանի

⁵² Նույն տեղում, էջ 17:

⁵³ П. Порбах, Война и германская политика, с. 101.

⁵⁴ A. Springer, Babylonien, das reichste Land der Vorzeit und das lohnendste Kolonisationsfeld für die Gegenwart. Heidelberg, 1886, S. 265.

⁵⁵ Кавказское слово, 1916, № 84.

ձեռքում կենտրոնացնելը⁵⁶։ Թոհրբախը գերմանական կառավարության համար կարևոր էր համարում Ռուսաստանին զրկել այդ հնարավորությունից, գտնելու, որ վերջինիս կողմից Արևմտյան Հայաստանի գրավումը մահացու հարված կլինի Թուրքիայի և Գերմանիայի համար⁵⁷։

Հայկական շրջաններում Ռուսաստանի հանգեպ հայերի աճող համակրանքի դեմն առնելու համար Գերմանիան Թուրքիայում գործադրում էր բոլոր միջոցները։ Գերմանացի պրոֆեսոր Կարլ Թոմբը գտնում էր, որ Գերմանիայի համար «Հայաստանի մեջ ռազմական գործողություններն ամենամեծ կարեւորությունն ունեն։ Հոն պետք է, որ Ռուսիան տեղի տա։ Մենք մեզ համար է, որ կաշխատենք բոլոր ջանքերով»⁵⁸։ Թոհրբախի կարծիքով Թուրքիայում Գերմանիան պետք է՝ 1) բացառապես թուրք-օսմաններով բնակեցված «պողպատյա պատենք» ստեղծի ընդդեմ Ռուսաստանի, 2) լուծի «հայկական տանջանքների մասին այրող հարցը» և 3) արժեքավոր և աշխատասեր հայերով բնակեցնի Միջագետքը, որով կնպաստի Թուրքիայում «իր քաղաքական և տնտեսական խնդիրների իրականացմանը»⁵⁹։ Հիշենք, որ այս խոսքերի և մտքերի հեղինակ Թոհրբախը արտահայտում էր Գերմանիայի արագորձնախարարության կարծիքը, որտեղ նա գլխավորում էր արևելյան բաժինը։

1914 թվականի փետրվարին Գերմանիայի արտաքին գործերի նախարար Ֆոն Յագովի գաղտնի միջնորդությամբ ստեղծվեց գերմանա-թուրքական կոմիտե՝ Ֆոն դեր Գուլցի նախագահությամբ։ Կոմիտեի՝ Բեռլինում կայացած հիմնադիր նիստում, որին մասնակցում էր Գերմանիայում թուրքական դեսպանության ամբողջ անձնակազմը, Ֆոն դեր Գուլցը հայտնում է գերմանական կառավարության կարծիքը՝ Վանի, Բաղեշի և Կարնի վիլայեթներից հայերին տեղափոխելու մասին։ Այդ կարծիքը նա «հիմնավորում է» Թուրքիան Ռուսաստանի կողմից անգամահատելու քաղաքականությունը խափանելու անհրաժեշտությամբ։ Իր ճառում Ֆոն դեր Գուլցն ասում է. «Հարկ է, որ Թուրքիան նոր աղետի մը փրկելու համար միանգամ ընդմիջտ ոռւս—թուրքական սահմաններու կից Վանի, Բաղեշի և Կարնի կուսակալությանց մեջ ապրող կես միլիոն հայությունը հեռացվի ոռւս—թուրքական սահմաններեն և փոխադրվի հարավ, Հալեպի և Միջագետքի կողմերը։ Իսկ այս կողմերեն ալ արարները փոխադրվին ոռւս—թուրքական սահմանները»⁶⁰։

Խորհրդակցությունը տեղի էր ունենում 1914 թ. փետրվարին, երբ Կուստանդնուպոլսում ստորագրվում էր ոռւս-թուրքական համաձայնագիրը Արևմտյան Հայաստանում բարենորոգումների անցկացման մասին։ Պարզ է, որ գերմանական կառավարությունը, հենց այդ օրերին գերմանա-թուրքական կոմիտե ստեղծելով՝ և նրան նախագահ դնելով Ֆոն դեր Գուլցին, այդ նիստին հրավիրված թուրքական դեսպանի միջոցով դիմում էր բացահայտ սադրանքների՝ Ֆոն դեր Գուլցի բերանով թուրքական կառավարությանը մի ավելորդ անդամ ևս հուշելով Գերմանիայի իրական ցանկությունը՝ համաձայնագրի ստորագրումը և առհասարակ բարենորոգումների ծրագիրը տապալելու մասին։ Բայց հայ բնակչության տեղահանման գործում գերմանական կառավարությունը և Թուրքիայում նրա դիվանագիտությունը առայժմ չէին համարձակվում, թուրքերի հետ գործակցած, գործնական քայլեր կատարելու։ Այդ զգուշությունը, առաջին հերթին կապված էր այն բախ հաշվառման հետ, որ խաղաղ պայմաններում հայերին տեղահանելը անմիջապես կհանդիպեր արևմտահայ ժողովրդի բողոքին ու զինված դիմադրությանը, որը ոչ պատերազմական պայմաններում կարող էր իրական հաջողության հասնել և, երկրորդ, այդ քայլը անխուսափելիորեն առաջ կբերեր Անտանտի երկրների և հատկապես

⁵⁶ П. Поппах, *изд. աշխ.*, էջ 101։

⁵⁷ Նույն տեղում, էջ 61—62։

⁵⁸ Մ. Սերոբյան, *Հայկական հարցը և նոր փուլերը, Բեյրութ, 1937*, էջ 166։

⁵⁹ Զ. Կիրակոսյան, *իզդ. աշխ.*, էջ 141։

⁶⁰ Գ. Պալաբյան, *Հայ Գողգոթան, Ե., 1991*, էջ 39։

Ռուսաստանի բողոքն ու զինված միջամտությունը թուրքական գործերին, որից Գերմանիան ամեն կերպ խուսափում էր:

Հայկական մամուլից, հայ գործիչների հետ ունեցած շփումներից, ինչպես նաև թուրքիայում գտնվող գերմանական առևտրաարգյունաբերական շրջանների ներկայացուցիչների և դիվանագիտական անձանց վարքագծից հայ ժողովրդի լայն խավերը ծանոթ էին թուրքիայում գերմանացիների քաղաքականության թուրքասեր և ըստ էության հակահայկական ուղղվածությանը, և դրանից էլ ձևավորվել էր հայերի բացասական վերաբերմունքը կայզերական Գերմանիայի նկատմամբ: Դրան շատ լավ տեղյակ էին հատկապես թուրքիայում հավատարմագրված գերմանական դիվանագետները, որոնք մշտապես լինում էին հայկական միջավայրում: Ադանայի հյուպատոս Բյուգեն, օրինակ, 1913 թ. հունիսի 8-ին թուրքիայում գերմանական դեսպան Վանգենհայմին հայտնում էր, որ դեռ շատ վաղաժամ է Սսի հայոց կաթողիկոսին գերմանական ռազմականության հրամանատարների քաղաքավարական վերջին այցելություններից այն հետևությունն անել, թե գերմանացիները դրանով իսկույն ևեթ հայերին գրավել են իրենց, և, հետևաբար, Փոքր Ասիայում իրենց վարած քաղաքականության կողմը: «Հայերը,—գրում էր նա,—քաղաքականապես բավականին գործնական են, որպեսզի գերմանական ռազմականների ժամանումը չընկալեն հօգուտ իրենց շահերի»: Բյուգեն, որը 1910 թվականից նստած էր Ադանայում և գիտեր կիլիկահայերին, հայտնում էր, որ մինչև այժմ հայերը միշտ և բացարձակապես եղել են թուրքիայում գերմանական քաղաքականության հակառակորդներ, բայց ոչ գերմանական ազգի ակառակորդներ⁶¹:

Գերմանիան իր քաղաքական ծրագրերը թուրքիայում իրականացնում էր՝ հենվելով այնտեղ գտնվող իր դիվանագիտական և զինվորական մարմինների, կիսապաշտոնական, հասարակական—մշակութային, եկեղեցական կազմակերպությունների, տնտեսական բնույթի հիմնարկ—ձեռնարկությունների վրա: Սրանց գործունեությունը զգալի չափով տեղի էր ունենում Արևմտյան Հայաստանում, արևմտահայ իրականության մեջ և նպատակ ունեւր ամեն կերպ աջակցել թուրքիայում կայզերական Գերմանիայի կառավարության նախագծումներին՝ ռազմական, տնտեսական, մշակութային և քաղաքական բնագավառներում:

Թուրքիայում գտնվող գերմանական դիվանագետների ղեկավար կենտրոնը Կ. Պոլսում հաստատված գերմանական դեսպանությունն էր, որին ենթակա հյուպատոսություններ կային Ադանայում, Հալեպում, Ալեքսանդրեթում, Բաղդադում, Բեյրութում, Դամասկոսում, Էրզրումում, Սամսունում, Ջմիդնիայում, Տրապիզոնում, Մոսուլում, Հայֆայում⁶²: Այսպիսով, հյուպատոսությունների նկատելի մասը գործում էր բուն Արևմտյան Հայաստանում և հայաշատ այլ վայրերում: Նայած ժամանակին և հանգամանքներին՝ նրանց գործունեության մի մասը զբաղեցնում էր արևմտահայերի մեջ տարվող աշխատանքը և հատկապես հակառուսական պրոպագանդը: Հայերին Գերմանիայի կողմը տրամադրելու նպատակով հյուպատոսները շարունակ այցելում էին հայկական գավառներ, լինում էին Վանում, Բիթլիսում, Մուշում, Խարբերդում, Դենաբեքիրում և այլ տեղերում, ձգտելով դժգոհություն առաջացնել Ռուսաստանի և ռուսների հանդեպ և հայերին գրավել Գերմանիայի կողմը: Այս տեսակետից գերմանական կառավարությունը լուրջ հույսեր էր կապում Արևմտահայաստանի կենտրոնում՝ Էրզրումում, 1913 թ. բացված հյուպատոսության և հյուպատոս էդգար Անդերսի հետ⁶³:

⁶¹ Армянский вопрос и геноцид армян, с. 56.

⁶² Deutschland und Armenien (1914—1918). Sammlung diplomatischer Aktenstücke. Herausgegeben und eingeleitet von Dr. Johannes Lepsius, Potsdam. 1919, S. 503—507.

⁶³ Сборник дипломатических документов. Реформы в Армении. (այսուհետև՝ Реформы в Армении...), П-д, 1915, с. 122—123.

Թուրքական բանակի վերակազմավորման, նրա հրամանատարական պաշտոնները իր ձեռքում կենտրոնացնելու համար Գերմանական կառավարությունը Թուրքիա էր ուղարկում ռազմական միսիաներ, որոնք միաժամանակ գլխավորում էին Թուրքիայի քրիստոնյա բնակչության և առաջին հերթին հայերի վրա Գերմանիայի ազդեցության ուժեղացման և Ռուսաստանի հանդեպ նրանց դրական վերաբերմունքի դեմ պայքարելու գործը: 1885 թվականից սկսած Թուրքիայում հաստատված գերմանական ռազմական միսիան գլխավորում էր Ֆոն դեր Գուլցը:

Առաջին համաշխարհային պատերազմի նախօրյակին, 1913 թ. կ. Պոլիս եկավ գերմանական նոր ռազմական միսիա՝ գեներալ Լիման Ֆոն Սանդերսի գլխավորությամբ, որը փաստորեն դարձավ Թուրքական բանակի՝ ղեկավարը Գերմանական ռազմական միսիան Թուրքիա ուղարկվեց երիտթուրքական կառավարության 1913 թ. մայիսի 22-ի պաշտոնական հրավերով⁶⁴, Միսիայի միջոցով Գերմանիան պետք է ավելի ուժեղացներ իր ազդեցությունը Թուրքիայի վրա: Բացի Թուրքական բանակը գերմանական ձևով վերակազմավորումը ավարտելուց, միսիան պետք է Թուրքական տարածքը, մանավանդ Արևմտյան Հայաստանը, հասցնեք նախապատրաստական վիճակի՝ Ռուսաստանի դեմ պատերազմի բռնկման դեպքում⁶⁵:

Կայզերական Գերմանիայի կառավարությանը Թուրքիայում հենարան էին ծառայում տարիներ շարունակ այնտեղ իրենց գործունեությունը իրականացնող գերմանական միություններ ու կազմակերպությունները, միսիոներական հաստատությունները, ֆիրմաների ներկայացուցիչները: Սրանց թվում էին Գերմանական արևելյան միսիան, Գերմանա-ասիական ընկերությունը, Գերմանա-թուրքական կոմիտեն՝ և այլ կազմակերպություններ, որոնցից շատերի գործունեությունը ընդգրկում էր բուն Արևմտյան Հայաստանը, հայ ազգաբնակչությունը:

Վերևում թվարկված կազմակերպություններից ամենահինը Գերմանական արևելյան միսիան էր, որը հետագայում իր անվանն առնթեր կրում էր նաև Հայկական օգնության մարմին անվանումը (Deutsch Orient Mission—Armenisches Hilfswerk): 1895 թ. կրոնական գործիչ Լեփսիուսը Գերմանական արևելյան միսիան հիմնադրել է Արևելքի մահմեդականների շրջանում ապետարանական աշխատանք տանելու նպատակով: Տվյալ դեպքում Արևելքը ընդգրկում էր հիմնականում Օսմանյան կայսրության տարածքը, այդ թվում նաև՝ Արևելյան Անատոլիան (Արևմտահայաստանը): 1890-ական թթ. կեսերին Թուրքիայում Աբդուլ Համիդի կազմակերպած հայկական կոտորածները Լեփսիուսին մղում են ստեղծելու Հայկական օգնության հաստատություն՝ գթության քույրերի աշխատավայրերով Թուրքիայում՝ Ալեքսանդրեթի սանջակում, Սիրիայում (հայկական շրջաններին շատ ծանոթ գթության քույր՝ Կարին Եպեի ղեկավարությամբ), Պաղեստինում, ինչպես նաև Պարսկաստանում, Բուլղարիայում և Ռուսաստանում: Հայերին օգնող այդ հաստատությունը ստեղծել և պահում էր որբանոցներ, հիվանդանոցներ, վարժարաններ, գորգագործական մանուֆակտուրա (նախ՝ Ուրֆայում, ապա՝ Հալեպում)⁶⁶:

Անշուշտ, միսիայի քարոզիչները ավետարանի հետ միասին տարածում էին նաև գերմանասեր գաղափարները՝ նշենք, սակայն, այն կարևոր հանգամանքը, որ Լեփսիուսն ինքը չէր թաքցնում իր բացասական վերաբերմունքը Աբդուլ Համիդի և երիտասարդ Թուրքերի հանդեպ և տքնաչան աշխատանք էր տանում հայերին օգնելու ուղղությամբ: Սկզբնական շրջանում կայզերական Գերմանիայի կառավարությունը չէր համակրում նրա կազմակերպությանը: Բայց որքան Արևելյան միսիայի ղեկավար մարմնի մեջ ավելանում էր գեր-

⁶⁴ Die große Politik. 38 Band, S. 170—171.

⁶⁵ Նույն տեղում, փաստաթուղթ 15429.

⁶⁶ Die Religion in Geschichte und Gegenwart. Vierter Band. Tübingen, 1960, S. 324.

մանական կառավարության քաղաքականությանը ժառանգելու պատրաստ մարդկանց թիվը, այնքան կառավարության վերաբերմունքը փոխվում էր⁶⁷։

Բնականաբար, Թուրքիայում գործող Գերմանական արևելյան միսիան պետք է նպաստեր Թուրքիայում իր կառավարության վարած քաղաքականության իրականացմանը և գործակցեր նրա ներկայացուցիչների հետ։ Հետագայում, հայոց եղեռնի վերաբերմամբ ընկերության ղեկավար մարմնի բռնած ոչ մարդասիրական դիրքի եղեռնը լուսնային մատնելու կապակցությամբ, որ կատարվում էր գերմանական կառավարության թելադրանքով, Լեփսիուսը մեղադրեց սահմադատվում է նրանից, հանգստ է գալիս նրա դեմ և 1916 թ. հեռանում Հոլանդիա։ 1921 թ. Լեփսիուսը Պոտսդամում վերականգնողականություն է աշխույժ ընկերությանը՝ այս անգամ «Լեփսիուսի Գերմանա—արևելյան միսիա—հայերի օգնության մարմին» անվանումով⁶⁸։

Արդեն նշել ենք, որ գերմանական արտաքին գործերի նախարարության նախաձեռնությամբ 1913 թ. ստեղծվում է Գերմանա—թուրքական կոմիտեի Կառավարության առընթեր այս մարմինը Թուրքիայում նստած մարշալ Ֆոն դեր Գուլդե գլխավորությամբ նպատակ ունեւ օժանդակել Թուրքիայում Գերմանիայի տնտեսական, քաղաքական և ռազմական ազդեցության տարածմանը և օգնել երիտթուրքերին՝ երկրի կառավարման գործում։ 1913 թ. Գերմանիայի արտաքին գործերի նախարար (պետական քարտուղար) Ֆոն Յագովի և նրա օգնական Յիմերմանի հավանությամբ Բեռլինում ստեղծվում է նաև Գերմանա—հայկական կոմիտե, որի հիմնական խնդիրներից մեկը հայերին ուսակալ ազդեցությունից հեռու պահելն էր։ Ըստ Պալաքյանի, այդ կոմիտեի նպատակը ոչ այնքան արևմտահայերի պաշտպանությունն էր, որ հուշակել էին նրա հիմնադիրները, այլ «միայն արգելք ըլլալու, որ Թուրքիոյ մեջ ապրող 2 միլիոն հայությունը գործիք չըլլա ցարին կառավարության ձեռքը... առ վերջույն առիթ լծողնելու համար, որ հայերը պատրվակ բռնելով՝ միջատուություն գործ անեն Թուրքիոյ ներքին գործերուն մեջ»⁶⁹։

1915 թվականի աշնանը, Թուրքիայում եղեռնի դժնդակ օրերին, գերմանական կառավարությունը հիմնում է «Գերմանա—թուրքական բարեգործական ակումբ» և «Գերմանա—թուրքական գաղինք» կազմակերպությունները։ Իրենու կազմակերպություններն էլ ղեկավար կենտրոններ ունեին Կ. Պոսում և Բեռլինում։ Նուանց ղեկավար էր նշանակվել հայ ժողովրդի դահճ ինժեներ⁷⁰։

Այսպիսով, XX դ. առաջին մեկ ու կես տասնամյակում (1900—1914 թթ.) Գերմանիան Թուրքիայում իր ձեռքում է կենտրոնադնում եռեռի ռազմաքաղաքական և տնտեսական կարևոր բարձունքները։ Նրա կողմից Բաղդադի երկաթուղու անցկացումը էապես նպաստում է Թուրքիայում գերմանական քաղաքական ու տնտեսական ծրագրերի իրականացմանը։ Նշված տարիներին Արևմտյան Հայաստանն ու արևմտահայերն առհասարակ գտնվում էին գերմանա—թուրքական հարաբերությունների ուղադրության կենտրոնում, և նրանք նկատմամբ Գերմանիայի քաղաքական մոտեցումները կոչված էին նպաստելու սուլթանական, ապա նաև երիտթուրքական կառավարությունների ուղղորդող ամրապնդմանը՝ որպես Ռուսաստանի դեմ ուղղված կոնտրոլ գործունեի։ Արևմտահայությունը, չնայած Թուրքիայում գերմանացիներին տնտեսական միտոսառնումներին իր ցուցաբերած ուղղություն մասնակցությունը, տառապալիս ռազմական և քաղաքական թուրքամետ քաղաքականությանը զոհվում էր Գերմանիայի թուրքամետ քաղաքականությանը զոհվում էր։

⁶⁷ Բարենորոգումները Հայաստանում, էջ 21։

⁶⁸ Վարդգես Միքայելյան, Հովհաննես Լեփսիուս. թանկ ու անմահ անուն (Ներկիր, 22. IV. 1998)։

⁶⁹ Գ. Պալաքյան, Նշվ. աշխ., էջ 98։

⁷⁰ Армянский вопрос и геноцид армян, с. 24.

ЭКОНОМИЧЕСКОЕ И ВОЕННО-ПОЛИТИЧЕСКОЕ ПРОНИКНОВЕНИЕ ГЕРМАНИИ В ТУРЦИЮ И ЗАПАДНАЯ АРМЕНИЯ (1900—1914)

А. Г. ХАЧАТРЯН

Резюме

В 1900—1914 гг. в руках кайзеровской Германии были сосредоточены почти все экономические и военно-политические рычаги Турции. Этому во многом способствовало строительство Германией Багдадской железной дороги. В указанный период Западная Армения и западные армяне вообще находились в центре внимания германо-турецкого сотрудничества, и политическое отношение Германии к Западной Армении наряду с экономической заинтересованностью также имело целью способствовать укреплению позиций в качестве военного фактора, направленного против России. Западное армянство, невзирая на то, что принимало деятельное участие в экономических начинаниях Германии в Турции, становилось жертвой туркофильской политики Германии.